

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	UTUSAN MALAYSIA
Date	11 MAY 2017



Ahli UMNO perlu bersatu dan setia di bawah kepemimpinan Najib

KUALA LUMPUR 10 Mei - Bekas Presiden UMNO, Tun Abdullah Ahmad Badawi (**gambar**) menyeru ahli-ahli UMNO supaya bersatu dan setia di bawah kepemimpinan Presiden, Datuk Seri Najib Tun Razak.

Abdullah berkata, krisis yang telah berlalu perlu dijadikan pedoman dan panduan untuk parti keramat Melayu itu untuk

terus kekal relevan sepanjang zaman.

“UMNO berjaya menghadapi dan menyelesaikan pelbagai krisis dalaman dan luaran berkat kepercayaan dan kesetiaan ahlinya.

“Kepercayaan rakyat kepada UMNO akan kekal sekiranya parti ini ikhlas dalam memperjuangkan nasib rakyat,” katanya dalam kenyataan bersempena

sambutan ulang tahun ke-71 penubuhan UMNO.

Menurut Abdullah, rakyat negara ini diharap dapat merasai keikhlasan dan khidmat UMNO kepada mereka khususnya dalam memperjuangkan nasib orang Melayu.

“Orang Melayu perlu bekerja keras untuk terus cemerlang dan gemilang dalam apa juga bi-

dang yang diceburi.

“Sikap sebegini akan terus menyumbang kepada pembinaan negara yang terbilang,” ujarnya.

Dalam pada itu, beliau turut mengucapkan tahniah kepada kepemimpinan UMNO yang diterajui oleh Najib serta bersyukur kerana UMNO masih teguh dan utuh menjadi tunjang kepada pentadbiran negara hingga kini.

Um - 11/5/2017